

欽定四庫全書

子部

證類本草卷

十九

二十



北京中医药大学图书馆版权所有

大正四年五月

證類本草

唐慎微撰

大正四年五月

證類本草

一

二十六種陳藏器餘

凡墨蓋子已下並唐慎微續證類

禽上丹雄雞白雄雞烏雄雞黑雌雞黃雌雞等附
白鵝膏毛肉等附

鷺肪白鴨尿附
鷓鴣唐附
鴈肪

禽中雀卵腦頭血尿等附
鷺屎石鷺續注
伏翼即蝙蝠是也自蟲魚部今

移
天鼠屎
鷹屎白

雉肉

禽下孔雀
鵝尺脂切頭
鵝鶩新補

斑鵒

補新

白鵒

補新

烏鵒

補新

練雀

補新

鵒鵒

附唐

雄鵒

鷓鴣

附頭

鵒骨

白鵒

補新

百勞

補新

鶉

補新

啄木鳥

補新

慈鴉

補新

鶉

補新

鶉

補新

鴛鴦

補新

二十六種陳藏器餘

鷓鴣

鷓鴣

陽鳥

鳳凰臺

鸚鵡

巧婦鳥

英雞

魚狗

駝鳥矢

鷓鴣

蒿雀

鷓鴣雞

山茵子

百舌鳥

黃褐侯

驚雉

鳥目無毒

礪鵲膏

布穀脚腦骨

蚊母鳥

杜鵑

鴉目

鈎鵲

姑獲

鬼車

諸鳥有毒

三十種神農本草經等

雞 諸



禽上丹雄雞味甘微溫微寒無毒主女人崩中漏下赤白

沃補虛溫中止血久傷乏瘡通神殺毒辟不祥

臣禹錫等謹按

孟詵云土患白虎可鋪飯於患處使雞食之良久取熱使伏於患人牀下其肝入補腎方中用冠血和天雄四分性心二分大陽粉四分九服之益陽氣日華子云朱雄雞冠血療白癰風糞治白虎風并傳風痛

頭主殺鬼東門上者尤良

白雄雞肉味酸微溫主下氣療狂邪安五藏傷中消渴

臣禹錫等謹按日華子云白雄

雞調中除邪利小便去丹毒

烏雄雞肉微溫主補中止痛

膽微寒主療目不明肌

瘡

臣禹錫等謹按孟詵云烏雄雞主心痛除心腹惡氣又虛弱人取一隻治如食法五味汁和肉一器中封日重湯中煮之使骨肉相去即食之甚補益仍須空腹飽食之肉須爛生即反損亦可五味淹經宿炙食之分作兩頓又刺在肉中不出者取尾二上枚燒作灰以男子乳汁和卦瘡刺當出又目淚出不止者以三年冠血傳目睛上日三度日華子云溫無毒止肚痛除風濕痺補虛羸安胎治折傷并癰疽生署竹木刺不出者

心主五邪

血主踣折骨痛及痿痺

臣禹錫等謹按痿折通用藥云烏雄雞血平

肪主耳聾

臣禹錫等謹按藥對云雞肪寒

腸主遺溺小便數不禁

肝及左翅毛主起陰

冠血主乳難 肘脰裏黃皮微寒主洩利小便利遺溺

除熱止煩

臣禹錫等謹按月華子云諸雞肚脰平無毒止世精并尿血崩中帶下腸風寫痢此即是肫

內黃皮

尿白微寒主消渴傷寒寒熱破石淋及轉筋利小便止遺

溺滅癥瘕

黑雌雞主風寒濕痺五緩六急安胎 血無毒主中惡

腹痛及踠折骨痛乳難

臣禹錫等謹按藥性論云黑雌雞味甘安胎通用藥云烏雌雞

溫中惡通用藥云烏雌雞血平孟銑云產後血不止以雞子三枚醋半升好酒二升煎取一升分為四服如人

行三二里微煖進之又新產婦可取一隻理如食法和五味炒熟香即投二升酒中封口經宿取飲之令人肥白又和烏油麻二升熬令黃香末之入裏酒盡極效日華子云烏雌雞溫無毒安心定志除邪辟惡氣治血邪破心中宿血及治癰疽排膿補新血補產後虛羸益色助氣膽治眩用耳癰瘡日三傳腸治遺尿并小便多糞治中風失音痰逆消渴破石淋利小腸餘瘕傳瘡瘕滅癥痕妙服治小兒客忤蠱毒翼治小兒夜啼安席下勿令母知窠中草治頭瘡白禿和白頭翁草燒灰猪脂傳

翮羽主下血閉

黃雌雞味酸甘平主傷中消渴小便數不禁腸澼洩利

補益五藏續絕傷療勞益氣

臣禹錫等謹按日華子云黃雌雞溫無毒

肋骨主小兒羸瘦食不生肌

臣禹錫等謹按孟詵云黃雌雞主腹中水癖水腫以

一隻理如食法和赤小豆一升同煮候豆爛即出食之其汁日二夜一每服四合補丈夫陽氣治冷氣瘦著牀者漸漸食之良又先患骨熱者不可食之雞子動風氣不可多食又先粉諸石為末和飯與雞食之後取雞食之甚補益又子醋煮熟空腹食之治久赤白痢又人熱毒發可取二顆雞子白和蜜一合服之差月華子云黃雌雞止勞劣添髓補精助陽氣暖小腸止泄精補水氣

雞子主除熱火瘡癰瘰可作虎魄神物

臣禹錫等謹按藥對云雞子平

卵白微寒療目熱赤痛除心下伏熱止煩滿欬逆小兒

下洩婦人產難胞衣不出醯漬之一宿療黃疸破大煩

熱 卵中白皮主久欬結氣得麻黃紫苑和服之立也

雞白嘉肥脂生朝鮮平澤

陶隱居云雞比例甚多又云作虎魄用欲煨卵黃白混雜

煮作之亦極相似惟不拾芥爾又煮白合銀口含須臾色如金雞又不可合葫蒜及李子食之烏雞肉不可合

犬肝犬腎食之小兒食雞肉好生虬蟲又雞不可合芥葉蒸食之朝鮮乃在玄兔樂浪不應總是雞所出今去

白嘉不知是何物別恐一種爾唐本注云白雞距及腦主產難燒灰酒服之腦主小兒驚癇今注雞入藥用蓋

取朝鮮者良又按陳藏器本草云雞主馬咬瘡及剝驢馬傷手熱雞血及熱侵之黃雌雞溫補益陽白雞寒利

小便去丹毒風尿白雄雞三年者能為鬼神所使烏雄雞殺鬼物鉅白鮮熱煩尿炒服之主蟲咬毒黃脚雞主

白虎病布飯病處將雞米食飯亦可抱雞來壓之雄雞脅血塗白癰風瘻瘍風雞子益氣多食令人有聲一枚

以濁水攪之兩拂合水服之主產後痢和蠟作煎餅與
小兒食之止痢取二枚破著器中以白粉和如稀粥頓
服之主婦人胎動腰臍下血又取一枚打開取白釀醋
如白之半攪調吞之主產後血開不下人取卵三枚醋
半升酒二升攪和煮取二升分四服主產後血下不止
又白虎病取雞子揩病處咒願送糞堆頭不過三度差
白虎是糞神愛喫雞子雞屎和黑豆炒浸酒主賊風風
痺破血臣禹錫等謹按蜀本注云凡雞子及卵白等以
黃雌產者良雞膽心肝腸肪腔腔及糞等以烏雄為良
頭以丹雄為良翻以烏雄為良藥性論云雞子液味甘
微寒無毒能治目赤痛黃和常山末為丸竹葉煎湯下
治久瘡不差治漆瘡塗之醋煮治產後虛及痢主小兒
發熱煎服空痢除煩熱鍊之主嘔逆尿血破石淋利小
便日華子云雞子鎮心安五藏止驚安胎治懷妊天行
熱疾狂走男子陰囊濕痒及開聲喉卵醋煮治久痢和
光粉炒乾止小兒疳痢及婦人陰瘡和豆淋酒服治賊

風麻痺醋浸令壞傳疝肝作酒止產後血暈并暖水藏
縮小便止耳鳴和蠟炒治疳痢耳鳴及耳聾黃炒取油
和粉傳頭瘡
殼研摩障腎

圖經曰

諸雞本經云雞白蠹肥脂出朝鮮平澤陶隱居
云朝鮮不應總是雞所出而云白蠹不知何物

恐別是一種耳開寶注便謂雞入藥用蓋取朝鮮者良
今處處人家畜養甚多不聞自朝鮮來也雞之類最多
丹雄雞白雄雞烏雄雞雞頭血冠腸肝膽肌脰裏黃脂
肪羽翮肋骨卵黃白屎白等並入藥古今方書用之尤
多其肉雖有小毒而補虛羸最要故食治方寸多用之
素問心腹滿旦食則不能暮食名為鼓脹治之以雞矢
醴一劑知二劑已注云今本草雞矢利小便微寒並不
治鼓脹今方制法當取用處湯漬服之耳又張仲景治
轉筋為病其人臂脚直脉上下行微弦轉筋入腹雞屎
白散主之取雞屎白為末量方寸匕以水六合和溫服

差雞子入藥最多而髮煎方特奇劉禹錫傳信方云亂髮雞子膏主孩子熱瘡雞子五枚去白取黃亂髮如雞子許大二味相和於鐵銚子中炭火熬初甚乾少須即髮焦遂有液出旋取置一篋枕中以液盡為度取塗熱瘡上即以苦參末粉之項在武陵生子蓐內便有熱瘡發於臀腿間初塗以諸藥及他藥無益日加劇蔓延半身狀猴至重晝夜啼號不乳不睡因閱本草至髮髮本經云合雞子黃煎之消為水療小兒驚熱下痢注云俗中姬母為小兒作雞子煎用髮雜熬良久得汁與小兒服去痰熱主百病用髮皆取久梳頭亂者又檢雞子本經云療火瘡因是用之果如神立效其殼亦主傷寒勞復見深師方取雞子空殼碎之熬令黃黑擣篩熱湯和一台服之溫卧取汗出愈

食療

云治大人及小兒發熱可取卵三顆白蜜一合相和服之立差卵並不得和蒜食令人短氣又

胞衣不出生吞雞子清一枚治目赤痛除心下伏熱煩
滿咳逆動心氣不宜多食烏雌雞溫味酸無毒主除風
寒濕痺治反胃安胎及腹痛腰折骨疼乳癰月蝕瘡遠
耳根以烏雌雞膽汁傳之日三以烏油麻一升熬之令香
未和酒服之即飽熱能食雞具五色者食之致狂肉和
魚肉汁食之成心瘕六指玄雞白頭家雞及雞死足爪
不伸者食並害人雞子和葱食之氣短雞子白共鰾同
食損人雞子共獺肉同食成遁尸注藥不能治雞鬼同
食成洩痢小兒五歲已不
未斷乳者勿與雞肉食

雷公云

雞子凡急切要用勿便敲損恐得二十一日滿
在內成形空打損後無用若要用先於溫湯中

試之若動是成形也若不動即敲損取清
者用黃即去之內有自潰者亦不用也

聖惠方

主蚰蟥咬人
以雞屎傳之

外臺秘要

主天行嘔逆不下食食即出以雞卵一枚煮三五拂出以水浸之外熱內熟則吞之良

千金方

鼠瘻以卵一枚米下蒸半日取出黃熬令黑先拭瘡上汁令乾以藥內瘡孔中三度即差

又方

小兒驚啼燒雞屎白米飲下

又方

治小兒瘡燒雞胗中黃皮為末乳服之男雄女雌

肘後方

治心痛以卵一箇打破頭醋二合和攪令勻燒過頓服

又方

肝風虛轉筋入腹以屎白乾末熱酒調下一錢七服

又方

自縊死定安心神徐緩解之慎勿割絕斷抱取心下猶溫者刺雞冠血滴口中即活男雌女雄又方

以雞屎白如棗大酒半

蓋和灌之及鼻中佳